

Риёзус солиҳийн (болалар учун) / Риёзус солиҳийн (болалар учун) / 36-ҳадис

36 - عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: «لَيْسَ الْغِنَى عَنْ كَثْرَةِ الْعَرَضِ، وَلَكِنَّ الْغِنَى غِنَى النَّفْسِ». مُتَّفَقٌ عَلَيْهِ.

«العَرَضُ» بفتح العين والراء: هُوَ الْمَالُ.

Абу Хурайра розияллоху анхудан ривоят қилинади:

«Набий соллаллоху алайҳи васаллам: **«Бойлик матоҳнинг кўплигида эмас, балки бойлик- нафснинг тўқлигидадир»**, дедилар».

Муттафақун алайҳ.

Шарҳ: Ислом бизга ҳаётни ўткинчи бир матоҳ деб қарашга ўргатади. Ҳаётдан мўътадиллик ва ҳикмат билан, исроф қилмасдан фойдаланишни буюради. Бошқаларнинг қўлидаги нарсадан умидвор бўлиб, таъмагирлик тўрига тушиб қолишдан огоҳлантиради. Чунки нафс агар таъмагирлик, ҳавойи нафс ортидан эргашиб, шаҳватга шўнғир экан, кишини абгор қилиб, нобуд этмагунча тўхтамайди. Нафсига қул бўлган банда эса дўзахга равона бўлади. У жой нақадар ёмон маскандир!

Ҳадисдан ўрганганларимиз

1. Ҳақиқий бойлик нафсда бўлади, мол-мулкда эмас.
2. Инсон кўплаб мол-мулкка эга бўлиши мумкин, лекин камбағал ҳолида қолаверади. Шунча бойликка эга бўлишига қарамасдан мулкдор бўлиш ортидан қувишда бардавом бўлади.
3. Қаноатли ва ифбатли бўлиш Исломнинг талабидир.
4. Ислом устки зоҳирга эътибор бермайди, балки у асл жавҳарига эътибор қаратади.



HADIS.ISLOM.UZ
NUBUVVAT MARVARIDLARI